

INUIT ATAQATIGIIT INATSIARTUNI



UKA2025/34 aamma 35

1. Okt 2025

Nivi Rosing

ILO-isumaqatigiisummut C191-imut - Sullivinnik avatangiisit isumannaatsuunissaat peqqinnartuunissaallu pillugit isumaqatigiissut (malitseqartitsisumik allannguutit), 2023 (No. 191) Namminersorlutik Oqartussat ilaatinneqarnissaat pillugu Inatsisartut aalajangiiffigisassaattut siunnersuut.

ILO-isumaqatigiissutitut: C155 (Suliffimmi isumannaallisaaneq peqqissuserlu pillugit isumaqatigiissut, 1981), C187 (Sullivinnik avatangiisinik isumannaassusermillu siuarsaaneq pillugu isumaqatigiissut, 2006), C094 (Sulinermut piumasaqaatit pillugit isumaqatigiissut (pisorta qarfinni isumaqatigiissutit), 1949) og P029 (Pinngitsaaliilluni sulisitsineq pillugu isumaqatigiisummut protokoli 2014-imeersoq, 1930) Namminersorlutik Oqartussat ilaatinneqarnissaat pillugu Inatsisartut aalajangiiffigisassaattut siunnersuut.

(Isumaginninnermut, Suliffeqarnermut, Nunamut Namminermut Avatangiisinullu Naalakkersuisoq)

Imm. 34-imut Oqaaseqaat.

Inuit Ataqatigiit ILO-isumaqatigiissut C191-mut Namminersorlutik oqartussani ilaatinneqarnissaanut siunnersuummut akuersinissamut innersuussipput.

Inatsimmi oqaatsit paasiuminarsarneqarusunnerannut Inuit Ataqatigiinni paasinnippugut.

INUIT ATAQATIGIIT INATSIARTUNI



ILO isumaqatigiisummi pineqartoq C191 sulisartunut avatangiisit isumaannaatsumik, peqqinnartumillu sulisartut tunngaviusumik pisinnaatitaaffigigaat inatsini takusinnaalerneqarnissaanut Inuit Ataqatigiinni tapersiivugut.

ILO isumaqatigiisummi erseqqissaarinissaq isumaqatigiissutigineqareerpoq, taamaammat Nunatsinni malinnaalluta inatsisitsinni erserissaaqataagutta avammut aamma takutissavarput uagut Nunatsinni akisussaaffimmik pimoorussilluta tiguseqataarusulluta.

Siunnersuummi maluginiaqquneqarpoq aningaasaqarnikkut allaffissornikkullu kinguneqarnaviannngimmat, ILO-mi isumaqatigiissutaani pioreersuni oqaasertanik taamaallaat allannguimmat. Aammalu inatsisitigut inissisimanermut atuuttumut allannguinnissamik imaluunniit nutaanik pisussaaffinnik isumaqatigiissutinik protokolinnillu taaneqartunik kalluarneqartunik kinguneqarnaviannngitsoq.

Inuit Ataqatigiinni tunngaviusumik naleqartitaraarput inuit pisinnaatitaaffitik erseqqaarissumik paasisinnaanissaat. Aamma pingaartipparput sulisartut isumannaatsumik peqqinnartumillu suliffimmini sinaakkusersornissaat.

Taama naatsumik oqaaseqarluta naalakkersuiut siunnersuutaat akuersaarparput.

Imm. 35-imut oqaaseqaat.

Oqaaseqaat:

Inuit Ataqatigiit ILO-isumaqatigiissut C155-mut namminersorlutik oqartussani inatsisinnngornissaanut tunngaviusumik isumaqataavugut.

Inatsimmi siunertaq tassa sulisartut peqqissusaanik isumannaatsuunissaannillu qulakkeerinissaq, taavalu sulinermit ajoqusernerit peqqissutsimillu ajoqusernerit

INUIT ATAQATIGIIT INATSIARTUNI



pitsaaliornissaannut Inuit Ataqatigiinni paasinnillutalu tunngaviusumik tapersiivugut.

ILO-isumaqatigiisummi protokollinik taaneqartunik Kalaallit Nunaat inatsisitigut ilaatinneqarnissaa Inuit ataqatigiinni pingaartipparput, tassami aamma Kalaallit Nunaat sulisartut pisinnaatitaaffii pillugit pimoorullugu akisussaaffimmik tiguseqataarusunnerput takutissagatsigut timitalerlugulu.

Kisiannili eqqumaffigaarput Nunanit allanit suliarlorlutik tikittartut suliffimmi atugarliornerit peqqutigalugit soraartartut Nunaminnut angerlartitaasarni ernumanartoq. Inuit Ataqatigiinni pingaartipparput tikillutik suliarortartut suliffimmi atugarliornerit peqqutigalugit soraartartut illersorneqarnissaannut inatsisit sinaakkuserneqartariaqartut, isumaqaratta nunani allanit suliarortut angerlartitaasartut, allamik suliffissarsiornissamut periarfissinneqarsinnaassasut.

Inuit Ataqatigiinni tunngaviusumik naleqartitaraarput inuit pisinnaatitaaffikkut illersorluarneqarnissaat. Aamma pingaartipparput sulisartut isumannaatsumik peqqinnartumillu suliffimmini sinaakkusersornissaat.

Equmaffigisassat taasakka tunngavigalugit Inuit ataqatigiinniit siunnersuutigaarput ataatsimiititaliami sukimiinerusumik inatsip sinaakkutissaat eqqartorneqassasut, ataatsimiititaliami naaperiaanissatsinnut piareersimavugut.